



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 30. december 2011

J.nr.: 01.31.06/11-00564

Aningaasaqarnermut Naalakkersuisoq

Isertuussassaq

Aningaasaqarnermut Akileraartarnermullu Ataatsimiititaliap suliaq nr. 01.31.06/11-00564 pillugu pingasunngornermi ulloq 28. december 2011-mi aalajangiineranik Naalakkersuisunut ilisimatitsineq.

Inatsisartut Siulittaasuannut aamma Naalakkersuisunut ilaasortanut inissiat

Naalakkersuisut **inassutigaat**,

- kontomi pingaarnermi 87.72.10-mi, Nuummi sulisunut inissianut tunngasumi, suliassaq nr. 060.30.012, Naalakkersuisunut inissianut tunngasoq, 13 mio. koruuninik aningaasaliiffigineqarluni pilersinneqassasoq,
- Nunap Karsiani IST-p inenera 2011-imi 13 mio. koruuninik ajornerulissasoq.

Aningaasaqarnermut Ataatsimiititaliap oqaaseqaatai

Inatsisartut siulittaasuannut inissiamik nutaamik pisinermit (6 mio. kr.), Naalakkersuisunut ilaasortat inissaannik pisariaqartumik iluarsaassinermit (2 mio. kr.) aammalu inissianik minnerusunik marlunnik pisinermit (5 mio. kr.) aningaasat Naalakkersuisut suliame matumani qinnutigaat.

Oqoqarnera pissutigalugu Naalakkersuisunut ilaasortat atorfirminnut atatillugu inissiaminnik aammalu Inatsisartut siulittaasuata akeqanngitsumik najugarisaminik qimatsisariaqarnerat qinnuteqaammut tunngaviuvoq. Inatsisartut siulittaasuata akeqanngitsumik illu najugarisaa isaterneqassaaq, tamatumalu kingorna nutaamik sanasoqassalluni, tamannalu ukiut marluk missaanniittut qaangiunneranni pissasoq naatsorsuutigineqarpoq.

Qinnuteqaatip ilaa Inatsisartut siulittaasuata akeqanngitsumik najugarisassaanut tunngasoq ataatsimiititaliamit akuersissutigineqarpoq, tak. allakkat 12. december 2011-meersut.

Qinnuteqaatip sinneranut tunngatillugu ataatsimiititaliaq apeqquteqaqqippoq, taakkulu Naalakkersuisunit allakkakut ulloq 16. december 2011-meersutigut akineqarput.

Tamatuma kingorna akissutit tunngavigalugit qinnuteqaatip sinnera inissianik mikinernik iluarsaassinermit pisinissamullu tunngasut ataatsimiititaliamit akuersissutigineqarpoq.

Aningaasaqarnermut Ataatsimiititaliap aalajangiinera

Naalakkersuisunut ilaasortat inissaannik pisariaqartumik iluarsaassinermit (2 mio. kr.) aammalu inissianik minnerusunik marlunnik pisinermit (5 mio. kr.) aningaasanik atuinissaq Aningaasaqarnermut Ataatsimiititaliamit **akuersissutigineqarpoq.**

Aningaasaqarnermut Ataatsimiititaliaq sinnerlugu

Andreas Uldum
siulittaasoq